



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCXXXVIII. De Mirabili conventione cujusdam.

urn:nbn:de:hbz:466:1-11850

CAP. CCXXXVI.

De

Combustione Castri Colayne & desolatione territorii Junigeda.

Anno Domini MCCXCI. circa Purificationem B. Mariæ Fr. Bartoldus Bruhane commendator de Kunnigsberg & plures fratres cum M. & quingentis viris transeuntes castrum Colaynam, & inuenientes ipsum vacuum combusserunt. Quo facto procedentes territorium Junigeda rapinâ & incendio molestabant. Ita quod præter alia damna septingenti capti sunt homines infidelium & occisi.

CAP. CCXXXVII.

De

Ædificatione Castri Junigeda & destructione Castri Mederabe.

Eodem anno in festo Pasce Lethovvini ædificaverunt in eodem territorio Junigeda Castrum, vocantes ipsum eodem nomine, quod frater Bertoldus prædictus intelligens, cum mille viris de Sambia accedens, dictam ædificationem voluit impedire, sed non valuit præ multitudinem infidelium resistere, & ne omnino in vanum laborassent, fratres diverterunt iter suum versus castrum Mederabam, de quo Christi fideles multa incommoda passi fuerunt, & expugnantes illud potenter, captis & occisis omnibus, ignis incendio funditus cremaverunt.

CAP. CCXXXVIII.

De

Mirabili conventionem cujusdam.

Hoc

*Conradus de Feuchtvangen X. Mag. Gen. Ord. Teut.
Meneko de Quersfurt XII. Magister Prov. in Prussia.*

Hoc tempore in castro Mergenburg fuit frater Gerhardus, qui cum adhuc esset secularis erat de familia Illustris Principis Marchionis de Brandenburg & valdè peritus in arte carpentatorum, quantum ad Instrumenta bellica faciènda, quidam talia Instrumenta, quibus & castra & civitates destructæ fuerunt, multa fecisset, accidit quâdam nocte dum adhuc in lecto jacens vigilaret, quod clausis januis venerunt quatuor viri portantes IV. candelas ardentès, accusantes eum in multis terminibus, & dicebant, quod nisi intra certum terminum vitam suam emendaret, sine dubio filius esset mortis, & in signum evidens hujus facti posuerunt super eum vestem albam, sicut solet poni super funera mortuorum; De quo ille miro modo perterritus, venit ad terram Pruschia, ducens secum vestem illam, & factâ professione in Ordine domus Teutonicæ, vitam sanctam inchoans feliciter consummavit.

CAP. CCXXXIX.

De

Deprædatione territoriorum Pastovia & Gesovia.

Eodem tempore frater Meneko Magister nec dum faciatus incommodo Lethovvinorum, cum centum fratribus & magna potentia Equitum territoria (a) Gesoviæ & Pastoviæ hostiliter est ingressus, maximo incendio devastando, paucos homines cepit & interfecit & prædam modicam rapuit. In recessu secuti fuerunt Lethovvini & sapius invaserunt fratres. In hac pugna (b) Lesbuto qui ante fuit amicus nunc hostis, irruit in fratrem Henricum Zutsvert & ejus dextrarium vulneravit, de quo frater Henricus commotus ipsum lanceâ perforavit.

Ss

Sed